



TXOJ CAI 10

TXOJ CAI KAV ZOS 2020-

010

PEB TAU NTXIV TXOJ CAI KAV ZOS XWM TXHEEJ CEEV
RAU LUB NROOG FRESNO, KALISFAUSNIAS, RAU
TSHOOJ 2-514 RAU COV CAI KAV LUB NROOG FRESNO
HAIS TXOG TUS KAB MOB COVID-19 UAS TSIM XWM
TXHEEJ CEEV THOOB PLAWS NTIAJ TEB

VIM TIAS, Lub Peb Hlis Ntuj Tim13, 2020, Tus Thawj Kav Tebchaws Trump
tshaj tawm tias peb muaj Kev Xwm Txheej Ceev Thoob Plaws Ntiaj Teb hais txog Tus
Kab Mob Coronavirus (COVID-19) Tawm Tshiab; thiab

VIM TIAS, Lub Peb Hlis Ntuj Tim 4, 2020, Tus Cob Kheem Newsom tshaj tawm
tias Lub Xeev Kaslisfausnias muaj Kev Xwm Txheej Ceev Thoob Plaws Lub Xeev
Kaslisfausnias vim tus kab mob COVID-19; thiab

VIM TIAS, Lub Nroog tshaj tawm tias Lub Xeev Kaslisfausnias muaj Kev Xwm
Txheej Ceev vim tus kab mob COVID-19;
thiab

VIM TIAS, Pab Pawg Tswj Xyuas Lub Nroog pom tias nws tseem ceeb los sau
tseg thiab kho cov cai vim peb muaj kev xwm txheej ceev los ntawm tus kab mob
COVID-19; thiab

VIM TIAS, Txoj Cai Kav Zos no tseem ceeb heev los cawm cov pej xeev txoj kev
noj qab haus huv, kev kaj siab, vaj tse, thiab kev nyab xeeb.

PAB PAWG TSWJ XYUAS LUB NROOG KHOO RAWLS LI COV LUS NTAWM NO:

TSHOOJ 1. Tshooj 2-514 raug muab ntxiv rau Fresno Cov Cai Kav Lub Nroog los nyeem
tias:

TSHOOJ 2-514. KOM LOS TSWJ TAU KEV XWM TXHEEJ CEEV VIM TUS
KAB MOB COVID-19. Nws yuav kav mus ntev npaum li nws yuav mus tau
thaum tseem muaj Kev Xwm Txheej Ceev Rau Lub Nroog Lub Xeev vim tus
kab mob COVID-19 uas mob thoob plaws ntiaj teb, cov lus uas lawv qab
ntawm no yuav raug rau txhua tus:

(a) Lub Nroog yuav tsum tsis txhob txiav dej los yog fais fab thiab txiav tej yam kev pab tu xyuas lub zos rau tib neeg txawm tias lawv them nuj nqis tsis tau thiab yuav tsum tsis txhob tsub nqi lig lossis tsub paj rau lawv them. Cov tib neeg uas raug lawv cov dej los yog fais fab tua lossis

Lub Hnub Tim Siv Mus:
03/19/2020 Lub Hnub Tim
Raug Pom Zoo:
03/19/2020 Lub Hnub Tim
Pib Mus: 03/19/2020

1 ntawm 5

Txoj Cai Kav Zos 2020-
010



txiav vim tias lawv tsis them yuav tau rov qab muab taws thaum tseem muaj kev xwm txheej ceev, thiab yuav tsum tsis txhob tsub nqi taws rau lawv them.

(b) Tej yam kev pab los ntawm Lub Nroog uas tsis tseem ceeb yuav raug muab lawb, nrog rau tiamsis tsis tas rau cov kev thov raws li Lub Xeev Kaslisfausnias Txoj Cai Los Pub Pej Xeev Muab Ntaub Ntawv.

(c) Tsis pub tiv lossis them cov nyiaj thim rov qab raws li Txoj Cai Pub Thim Kom Tau Nyiaj Rov Qab, Fresno Cov Cai Kav Lub Nroog 12-2301, thiab cov cai tom ntej ntawd mus, vim tias yuav tau siv sijhawm ntev zog los khiav haujlwm vim tus kab mob COVID-19 uas mob thoob plaws ntiaj teb.

(d) Cov kev pab cuam muab Zaub Mov Sov Rau Cov Neeg Laus yuav qhib txuas ntxiv mus los tau, tiamsis lawv yuav tau muaj tej yam kev npaj kom muaj kev noj qab haus huv thiab kev nyab xeeb rau txhua tus.

(e) Cov npav khiav rau lub nroog yuav tsum raug muab tu thiab tua kab mob yam tsawg kawg yog ib zaug ib hnuv. Lub Nroog Tuam Tsev Haujlwm Saib Xyuas Kev Thauj Mus Los muaj txoj cai los hloov lossis ntxiv cov chaw nres thiab tos neeg thiab cov sijhawm khiav npav los haum tej yam cov pej xeev yuav tsum tau thiab lawv txoj kev noj qab haus huv thaum tseem muaj kev xwm txheej ceev.

(f) Pib Lub Peb Hlis Ntuj Tim 4, 2020, peb yuav tsis pub nce nqi rau cov khoom yuav thiab cov chaw xauj pw uas yuav tsis muaj ntau vim qhov kev xwm txheej ceev lossis lub sijhawm muaj xwm. Txhua tus neeg lossis lag luam yuav tsum txhob nce tus nqi siab tshaj 10% rau cov khoom pib Lub Peb Hlis Ntuj Tim 4, 2020. Txoj cai no yuav raug tswj kev nce nqi rau khoom thaum tseem muaj kev xwm txheej ceev uas raug pom zoo los

ntawm Pab Pawg Tswj Xyuas Lub Nroog Lub Peb Hlis Ntuj Tim 16, 2020.

(g) Kev Ncuu Them Nqi Xauj Tsev, Kev Txwv Tsis Pub Lajj Tawm Ntawm Lub Tsev, thiab Kev Txeeb Tsev Rov Qab Vim Tsis Them.

(1) Txwv tsis pub laj ib tug neeg tawm ntawm lawv lub tsev rau qhov tias lawv tsis muaj nyiaj them vim tias lawv lub chaw haujlwm kaw, raug txiav xauj moos ua haujlwm lossis



nyiaj txiav, raug rho tawm haujlwm ib ntus, lossis muaj nuj nqis them tawm hnab ris mus kho mob vim tus kab mob COVID-19 tawm kis tib neeg.

(2) Txwv tsis pub cov tswv xauj tsev rau lag luam hauv Lub Nroog laij tsis tau cov neeg xauj lub chaw khiav lag luam vim lawv tsis them nqi xauj rau cov neeg uas lub lag luam uas haum raws li qhov Tshooj no lossis raug kaw (txaus siab kaw lawv tus kheej lossis raug khoo kaw) los pab tiv thaiv kom tus kab mob COVID-19 tsis txhob kis.

(3) Tus neeg xauj tsev yuav tsum qhia rau lawv tus tswv tsev paub tias lawv them tsis tau tus nqi xauj vim tus kab mob COVID-19. Ua ntej ib vasthiv dhau ntawm tsab ntawv no , tus neeg xauj tsev yuav tsum muab pov thawj lossis ntaub ntawv los qhia tias vim li cas lawv yuav them tsis tau tus nqi xauj tsev. Cov neeg xauj tsev yuav muaj sijhawm mus txog li rau lub hlis tom qab nom tswv tshaj tawm tias qhov kev xwm txheej ceev xaus los them cov hli uas lawv tiv.

(4) Txoj kev txwv tsis pub laij neeg tawm yuav ua haujlwm mus rau 30 hnuv, thiab Pab Pawg Tswj Xyuas Lub Nroog yuav ntxiv tau sijhawm mus ntev zog los tau, kom mus ntev li Lub Nroogtau pom tias txoj kev xwm txheej ceev no tseem raug lub zos.

(5) Yog tias cov neeg yuav tsev thiab cov lag luag them tsis taus cov nyiaj lawv qiv yuav tsev los lawv yuav tsum tsis txhob raug txeeb lub tsev rov qab vim tus kab mob COVID-19. Cov chaw qiv nyiaj yuav tau ua ib daim ntawv cog lus ncuva pub 6 lub hlis rau lawv los them ua ntej yuav pib txeeb lus tsev rov qab vim tias lawv

raug tus kab mob COVID-19, thiab yuav tsum tsis txhob raug tus neeg qiv qhov credit (npe qiv nyiaj phem los zoo).

(h) Lub Nroog cov neeg ua haujlwm yuav tau thov rau tagrnoho lub xeev thiab tsoom fwv tebchaws cov kev pab nyiaj rau cov raug kev xwm txheej ceev vim tus kab mob COVID-19.

3 ntawm

5



(i) Tus Tswj Xyuas Lub Nroog, lossis tus neeg uas raug xaiv los khiav txoj haujlwm, yuav tau los nrhiav nyiaj thiab tsim Nyiaj Pab Qhov Xwm Txheej Ceev Rau Tus Kab Mob COVID-19 los pab txhawb tej yam dej num uas Lub Nroog yuav tau ua uas haum lossis yuav tau ua los pab daws tej yam xwm txheej ceev los ntawm tus kab mob COVID-19 uas mob thoob plaws ntiaj teb. Tus Tswj Xyuas Lub Nroog, lossis tus neeg uas raug xaiv los khiav txoj haujlwm, yuav tau qhia seb lawv ua tag li cas lawm rau Pab Pawg Tswj Xyuas Lub Nroog thaum Pab Pawg Tswj Xyuas Lub Nroog muaj lub rooj sib tham thiab yuav tau qhia ntxiv rau Pab Pawg Tswj Xyuas Lub Nroog raws sijhawm thiab heev npaum li yuav tsum tau hais txog cov kev siv nyiaj ntawm Nyiaj Pab Qhov Xwm Txheej Ceev Rau Tus Kab Mob COVID-19.

0) Yog muaj ib co lus hauv Txoj Cai Kav Zos no lossis cov lus no tsis haum rau tej tug neeg twg lossis tej yam nws ua ces cov lus ntawd yuav tsis raug rau nws, tiamsis yog tias muaj lwm cov lus uas nyob hauv Txoj Cai Kav Zos no haum rau nws lossis tej yam nws ua, ces nws yuav tau ua raws li cov lus ntawd tagnrho thiab ua tamsid mus.. Nws nyob ntawm peb, peb muaj txoj cai ncuu tseg cov lus hauv Txoj Cai Kav Zos no los tau.

(k) Txoj Cai Kav Zos no yuav tau muab los txhais ua lus Mev, Lus Hmoob, thiab Lus Khej tamsid, thiab yuav tau muab kho kom cov tib neeg uas muaj tej yam kev xiam oob qhab nyeem kom tau; peb yuav muab tshaj tawm rau tagnrho cov kev tshaj saum istawsnev thiab muab tso rau saum Lub Nroog qhov vesxaij kom txhua tus neeg pom tau.

TSHOOJ 2. Raws li Tshooj 603 thiab 610 ntawm Cov Cai Tswj Lub Nroog Fresno, Txoj Cai Kav Zos no yuav pib ua haujlwm mus tom qab raug pom zoo.



* * * * *

LUB XEEV KASLISFAUSNIAS)
LUB CHEEB NROOG FRESNO) ss.
LUB NROOG FRESNO)

Kuv, YVONNE SPENCE, Lub Nroog Tus Kws Khiav Ntaub Ntawv Rau Lub Nroog Fresno, lees paub tias txoj cai raug pom zoo los ntawm Pab Pawg Tswj Xyuas Lub Nroog rau Lub Nroog Fresno thaum lawv muaj lub rooj sib tham lub hnuv tim 19 ntawm Lub Peb Hlis Ntuj, 2020.

POM ZOO: Bredefeld, Caprioglio, Chavez, Esparza, Karbassi, Soria,
Arias NOES : Tsis Muaj
COV QHAJ
TSIS TUAJ:
Tsis Muaj COV
TSIS XAIV: Tsis
Muaj

YVONNE SPENCE, MMC CRM
Lub Nroog Tus Kws Khiav Ntaub Ntawv

RAUG POM ZOO SIV MUS:

BY: Yvonne Spence 3/19/2020
Deputy Date

DOUGLAS T. SLOAN,

Lub Nroog Tus Kws Lij Coj

Los ntawm: -+--t"-f--7f,- -t- =4- / - - -f--' ;J-O

Tus Kws Lij Choj Pab

